

171

14. okt.

Höfuðstól sjóðsins má aldrei skerða.

Tekjur sjóðsins eru:

- a. Vextir.
- b. Gjafir og áheiti, sem honum kunna að áskotnast.

5. gr.

6. gr.

Stjórn sjóðsins skipar stjórn Kvenfélags Bólstaðarhlíðarhrepps. Skal hún ávaxta sjóðinn í sparisjóði, banka eða annarri tryggri peningastofnun eða hjá starfandi félagi innan Bólstaðarhlíðarhrepps. Stjórn sjóðsins ber að halda gerðabók.

Í gerðabókinni skal færa allar fundargerðir stjórnarinnar, um styrk úr sjóðnum og yfirleitt allt, er hag hans varðar og rekstur. Enn fremur skal birta árlega reikning um tekjur og gjöld sjóðsins. Reikningur sjóðsins skal endurskoðaður af endurskoðanda sveitarsjóðs Bólstaðarhlíðarhrepps.

7. gr.

Úthlutun úr sjóðnum má hefjast þegar höfuðstóllinn er orðinn kr. 40000.00 — fjörutíu þúsund krónur —. Þá má úthluta hálfum ársvöxtum, hinn helmingur vaxtanna leggist ætíð við höfuðstólinn.

8. gr.

Leita skal staðfestingar forseta Íslands á skipulagsskrá þessari og birta í B-deild Stjórnartíðindanna.

P. t. Keflavík, 30. júlí 1954.

Árni Sveinsson.

172

15. okt.

## G J A L D S K R Á

fyrir rafveitu Patrekshrepps.

### I. RAFORKA

Rafveita Patrekshrepps selur raforku á þann hátt og við því verði, sem hér segir:

#### A. Lýsing.

1. Um kwst.mæli á kr. 3.00.
2. Um kwst.mæli á kr. 1.50 hverja kwst. auk fastagjalds kr. 12.00 á ári af hverjum fermetra gólfflatar í rúmi því er lýsa skal. Fullt fermetragjald skal greiddast af gólfleti í húðum, vinnustofum og skrifstofum, en fyrir geymslur hvers konar, ganga, bílskúra, gripahús, áhaldahús o. fl. skal greiða kr. 4.20 á ári af hverjum fermetra.

#### B. Almenn heimilisnotkun.

Um kwst.mæli á kr. 0.80 hverja kwst. auk fastagjalds kr. 12.00 á mánuði af einu herbergi hverrar íbúðar, en kr. 6.00 á mánuði af hverju herbergi umfram eitt.

Þar sem uppsett afl á eldavél og þvottapotti er 8 kw. er rafveitunni heimilt að fyrirskipa notanda að setja upp skiptirofa til að fyrirbyggja samtímisnotkun á heimilistækjunum.

Í útreikningi á fjölda herbergja skal telja öll herbergi sem ætluð eru til íbúðar 172 og eldhús. Herbergi, sem eru minni en 5 ferm. skal teljast sem hálf, en stærri en 25 ferm. sem tvö. Þar sem meðalstærð herbergja í íbúð er minni en 10 ferm., má reikna með þeirri meðalstærð. Þar sem önnur ljósanotkun en til heimilisþarfa kemur inn á heimilismæli, skal af slíku húsnæði reiknast fast gjald mánaðarlega af hverjum fermetra gólfflat, er lýsa skal, sem hér segir:

Af búðum, vinnustofum, skrifstofum o. þ. h. .... kr. 2.00  
Af bilskúrum, geymslum, göngum, gripahúsum og öðrum útihúsum .... — 0.25

### C. Vélanotkun.

1. Um kwst.mæli á kr. 1.50 hverja kwst. Minnsta gjald skal vera kr. 300.00 á hvert uppsett kw. véla. Á verkstæðum og vinnustofum, þar sem ein mæling er fyrir ljós og vélar, skal auk þess greiðast fastagjald samkv. gjaldskrárlið A. 2.
2. Til fiskiðnaðar og fleira. Um afl- og orkumæla þannig reiknað:
  - a. Aflgjald af notuðu afli kr. 780.00 á kv. á ári. Minnsta aflgjald skal þó vera kr. 5 000.00 á ári.
  - b. Orkugjald af allri notkun kr. 0.28 á kwst. Notað afl í kw. telst vera mesta álag á ári, mælt yfir stundarfjórðung.
  - c. Ef ekki eru tók á að mæla notað afl, má selja þannig: um kwst.mæli á kr. 0.28 hverja kwst., auk fastagjalds, er nemi kr. 690.00 á ári fyrir hvert kw. málaun véla.
  - d. Eftir þessum gjaldskrárlið má einnig selja alla raforkunotkun annarra atvinnufyrirtækja gegn greiðslu fastagjalds af ljósanotkun samkvæmt gjaldskrárlið A. 2. Rafveitan áskilur sér rétt til að takmarka rafmagnsnotkun þessara fyrirtækja (a. b. c. og d.) á mestu álagstímum rafveitunnar í allt að 2 klst. á dag.

Framangreint raforkuverð fyrir vélar, gildir fyrir notkun með raunstuðul,  $\text{COS} = 0.8$  eða hærri. Sé raunstuðull hjá notanda lægri en 0.8, hækkar afl og orkugjald notandans skv. reglum, sem rafveitustjóri setur þar um.

### D. Hitun.

1. Um kwst.mæli á kr. 0.50 hverja kwst., enda megi þá rjúfa strauminn í allt að þrjár klst. á dag á tímum mesta álags rafveitunnar, um hádegi og síðdegis, þó ekki lengur en um  $1\frac{1}{2}$  klst. í senn.

#### Önnur skilyrði fyrir raforkusölu til hitunar:

- a. Að ekki þurfi að auka vélaafl, línur eða spenna vegna álagsins.
- b. Að notandi setji segulrofa fyrir álagið og kosti viðhald þeirra. Þó getur rafveitustjóri ákveðið að rafveitan leggi til rofa og annist viðhald þeirra og kostar notandi þá tengingu þeirra.
- c. Notandi greiðir leigu af rofum og rofaklukkum, samkv. reglum, sem gilda um leigu mælitækja.
- d. Að tæki, lagnir og búnaður sé samkvæmt fyrirmælum rafveitustjóra, ofnar fasttengdir með sérstökum rofum og hitastillar notaðir.

### E. Önnur rafmagnsnotkun.

1. Til nota um vinnulagnir við byggingu meðan á byggingu stendur, um kwst.mæli á kr. 1.50 hverja kwst.
2. Til fasttengdra bókunarofna og annarra tækja í brauðgerðarhúsum um tvígjaldmæli á kr. 0.28 hverja kwst. í 10 klst. á sólarhring á tímanum frá kl. 22 til 10 og kr. 0.60 hverja kwst. í 10 klst. á tímanum frá kl. 8 til 24, enda sé straumur-

172  
15. okt.

inn rofinn í 4 klst. á mestu álagstímum rafveitunnar, þó eigi lengur en 2 klst. í senn.

Um sölu samkv. þessum lið gilda sömu skilyrði og um sölu samkv. gjaldskrárlið D.

3. Til götu og hafnarlýsingar um kwst.mæli á kr. 1.00 hverja kwst., og annast rafveitan þá um rekstur og viðhald lýsingarkerfisins.
4. Til gisti- og veitingahúsa, skóla, sjúkrahúsa, samkomuhúsa og annarra slíkra staða má selja rafmagn til suðu, hitunar og annarra fasttengdra tækja í eldhúsi á kr. 0.80 hverja kwst. og önnur notkun seld eftir gjaldskrárlið A.
5. Alla raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A. Þegar sérstaklega stendur á, má rafveitustjóri, þó að tilskildu samþykki rafveitunefndar og hreppsnefndar, selja raforku eftir sérstökum samningi í hvert skipti, en eigi lengur en til eins árs í senn. Sé slíkum samningi ekki sagt upp af öðrum hvorum aðila, framlengist hann sjálfkrafa um eitt ár.

## II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann. Greiða skal leigu af mælitækjum, sem hér segir:

1. Af einfasamælingu upp að 30 amp. ....	kr. 5.00 á mán.
2. — þrífasa mælingu upp að 50 amp. ....	— 6.00 — —
3. — þrífasa mælingu 50—200 amp. ....	— 12.50 — —
4. — þrífasa mælingu yfir 200 amp. ....	— 18.00 — —

Af öðrum tækjum skal ársleigan vera sem næst 20% af verði tækisins. Leigan skal innheimt um leið og gjald fyrir raforku.

## III. HEIMTAUGARGJALD.

Heimtaugargjald skal miða við rúmmál húsa, sem hér segir:

1. Grunnjald loftlínuheimtaugar kr. 1 200.00.
2. Grunnjald jarðlínuheimtaugar kr. 1 800.00.
3. Auk heimtaugargjaldsins reiknast kr. 2.50 af hverjum rúmmetra húss, allt að 700 rúmmetra og kr. 1.00 af hverjum rúmmetra þar yfir.
4. Sé lengd jarðlínuheimtaugar meira en 15 metrar og loftlínuheimtaugar meira en 40 metrar og gildleiki víra meira en 3x70 mm<sup>2</sup> skal húseigandi greiða kostnað af því sem fram yfir er. Ef lagðar eru fleiri en ein heimtaug að húsi, skal greiða allan kostnað við síðari heimtaug eftir reikningi. Stærð húsa reiknast eftir utanmáli þeirra. Heimtaugargjaldið fellur í gjalddaga, þegar tengingu er lokið.

## IV. OPNUNARGJALD

1. Hafi gjald samkv. gjaldskrá þessari eigi verið greitt svo að til lokunar hafi komið fyrir veitu, skal taka gjald fyrir enduropnun kr. 40.00.
2. Ef fundinn er óleyfileg eða of stór vör við skoðun, skal veitunni lokað tafarlaust og verður hún ekki enduropnuð, fyrr en notandi hefur greitt kr. 40.00 gjald á skrifstofu rafveitunnar. Rafveitunni er ekki skylt að framkvæma enduropnun, utan venjulegs vinnutíma rafvirkja.

**Heimild til hækkunar.**

172

Gjaldskrá þessi er miðuð við innkaupsverð á rafmagni, er gjaldskráin tekur gildi. Verði breytingar á því, breytast afl og orkugjöld samkv. því, en fastagjöld eigi fyrr en 10% breyting er orðin á afl- og orkugjöldum.

15. okt.

Gjaldskrá þessi, sem Rafveitunefnd Patrekshrepps hefur samið og hreppsnefnd Patrekshrepps samþykkt, staðfestist hér með skv. vatnalögum nr. 15 20. júní 1923 og raforkulögum nr. 12 2. apríl 1946, til þess að öðlast gildi þegar í stað og birtist til eftirbreytni öllum þeim, er hlut eiga að máli.

Jafnframt er úr gildi numin gjaldskrá fyrir rafveitu Patrekshrepps nr. 218 14. okt. 1950.

*Atvinnumálaráðuneytið, 15. október 1959.*

**Emil Jónsson.**

*Þorv. K. Þorsteinsson.*

**REGLUGERÐ**

173

fyrir vatnsveitu Víkurkaupþúns innan Hvammshrepps í Vestur-Skaftafellssýslu.

15. okt.

**1. gr.**

Hreppsnefnd Hvammshrepps hefur einkarétt til sölu vatns á svæði því, sem vatnsveita hreppsins nær yfir og getur fullnægt.

**2. gr.**

Vatnsveitunefnd, sem kosin er af hreppsnefnd til fjögurra ára í senn, annast öll framkvæmdastörf, viðhald og endurbætur vatnsveitunnar, fjárreiður hennar og umsjón eigna í samráði við oddvita og hreppsnefnd, sem ákveður laun vatnsveitunefndar. Í vatnsveitunefnd séu þrír menn og þrír til vara. Nefndin skiptir sjálf með sér verkum.

**3. gr.**

Allar tekjur vatnsveitunnar renna í sérstakan sjóð, Vatnsveitusjóð Víkurkaupþúns. Úr honum greiðast öll gjöld vatnsveitunnar. Aðalæðar vatnsveitunnar og umbúnaður við vatnsbólin verða sameign kaupþúnsins og kostuð af vatnsveitusjóði, svo og viðhald þeirra, eftirlit með vatnsleiðslunni og stjórn hennar.

**4. gr.**

Vatnsveitan leggur aðalvatnsæðar um kaupþúnið, svo víða sem fært þykir. Hver, sem vill fá vatn leitt í hús sitt, sæki skriflega um það til vatnsveitunefndar. Hverjum húseiganda ber að greiða allan kostnað við lagningu vatnsæða frá aðalæð í hús sín og annast viðhald þeirra. Gildir það jafnt um gamlar lagnir sem nýjar.

**5. gr.**

Enginn má leggja vatnsæðar frá aðalvatnsæð veitunnar, nema með leyfi vatnsveitunefndar og eftir fyrirmælum hennar, bæði um efni og tilhögun verks. Skytt er hverjum húseiganda að gera tafarlaust við vatnsæðar sínar, komi leki að þeim.

**6. gr.**

Vatnsveitunefnd eða mönnum í umboði hennar er heimilt að fara um hús og lóðir manna, þar sem vatnsæðar liggja, til að athuga þær og tæki þau, sem í sam-